



Qeqqata Kommunia

2023-mut pilersaarusiaq

Meeraaqqerivik Nuka



Meeraaqqeriviup pisortaa: Ane-Sørine Larsen
Tullersorti: Natuk O Berthelsen

Muunup aqq 2

86 40 61 / 58 02 41

nukasisimiut@qeqqata.gl

IMARISAI

IMARISAI	2
1. Perorsaannermi ukiumoortumik pilersaarut:	3
1.1 Meeqquqeriviup ilisaritinnera	3
1.2 Meeqquqeriviup anguniagai naleqartitatullu tunngavii.....	5
1.3 Perorsaannermi anguniakkat	8
1.4 Meeqqat pisariaqartitaat	9
1.5 Meeqquqerivimmi kulturimut perorsaannermilu najoqqutassat.....	11
2. Ukiumoortumik pilersaarutaanikup nalilersorneqarnera	13
2.1 Meeqqat	17
2.2Angajoqqaat, meeqqamullu pilersuisuiusut/pisortat.....	18
2.3Sulisut.....	20
3.Ukiumut nutaamut pilersaarutit	21
3.1Meeqqanut ileqqunik sammisassanillu ukiumut pilersaarut	21
3.2Angajoqqaanik meeqqamullu pilersuisuiusunik suleqateqarneq	27
3.3Sulisut suleqatigiinnerat	29
3.4Ukiuni aggersuni suliniuteqarfissat	30

1. Perorsaannermi ukiumoortumik pilersaarut:

1.1 Meeqgeriviup ilisaritinnera



Meeraaqqerivik Nuka

Muunup aqq 2

Telefon 86 40 61 Mobil 58 02 41

Ammartarpoq nal. 6:45. Matusarpoq nal. 17:00.

Qeqqata Kommunia Sisimiut

Illorsuup titartarneqarneranut tunngatillugu, illorsuaq tamakkerluni
angissuseqarpoq: 619m².

Meeraaqqerivik Nuka-p illorsuartaa 2004-mi Januarimi atoqqaartinneqarpoq.

Siornatigut Meeraaqqerivik Nuka aqqusinersuarmiikkallarmat atuutilerpoq 3.

Oktober ukioq 1968.

Meeraaqqerivik Nuka meeqqanut 48-nut inissaateqarpoq. Taamaattorli Kommunitumut qinikkat ataatsimiinnerminni aaliangernikuusaat, Meeraaqqerivik Nuka utaqqiisaarutaasumik meeqqerivittaqaqarallarluni atorallarpog. Massakkuungallartoq imak inissisimasogarpoq: Meeqqat 12-it ca. 3år-5år Narsarmiut-aniillutik.

Nalinginnaasumik meeqqat ininut sisamanut agguataangaapput, inillu tamarmik 12-nik meerartaqarlutik. Naasunnguit-niittarput meeqqat 1½ år-3 år, Neriusaat-niittarput aamma 1½ år-3 år, Narsarmiut-niittarput 0-1½ år, Nanuaqqat-niittarlutillu aamma meeqqat 0-1½ år.

Init tamarmik ineeraqarput, sinittarfittut pinnguarfissatullu atorneqartartunik, taakkulu saniatingut inersuarmik ataatsimoorfiusumik peqarpoq.

Meeraaqqerivik Nuka-p meeqqerivittaa 1/9 aallarnerfingalungu meeqqanut 12-nut atuutileqqinnikuuvoq, kisiat meeqqat angajullerniittut ukiui suli 3-5år-jullutik.

Meeqqallu nuullattaarneratingut meeraaqqerivinngoriartoqqinnissaa angujartuaarusaarneqarluni.

Sulisut illorsuaq tamakkerlungu 14½-iusarput imalu agguataangaasarlutik: Pisortaq: 1, Perorsaasut: 4, Perorsaanermik ilinniagallit: 4, Ikiortit: 4, Eqqiaasoq: 1.

Errorsisoq: 1, ullup affaanut erruisartoq.

Sulisunilli amingaateqarneq pissutingalungu imak inissisimangallarluta:

Pisortaq: 1, Perorsaasoq: 1, Perorsaanermik ilinniagallit: 2, Ikiortit: 3, Eqqiaasoq:1,

Erruisoq: 1 ullup affaanut erruisartoq.

Sisimiuni meeqqeriviit tamarmik Hotel Sisimiuniik nerisaqartinneqarput.

1.2 Meeqqeriviup anguniagai naleqartitatullu tunngavii

Inini anguniakkat:

0-1½ ukiullit Narsarmiutat / Nanuaqqat

Paasinnissinnaaneq

- Meeqqap ilisimalingassaanik ulluinnarni atukkanik oqaasertaliissinnaaneq oqaatsinik ilaarsitsitineq.
- Assiliartalinnik atuffassineq.

Eqqaamannissinnaaneq

- Oqaatsinik uteqattaarineq
- Erinarsorneq
- Inuup pisataanik taakkartuineq

Pinnguarneq sammisaqartitsinertut atorlugu

- Pinngussanik assingiinnittunik atuineq

Oqaatsinik inerisaaneq

- Iliuutsinik oqaasertalersuineq
- Assit atorlugit oqalunnissaannik inerisaaneq
- Oqalunniarnissamik inerisaaneq, ass. Meqqunik supoorneq.

Inuttut pinginnaaligassat

- Meeqqap nammineerluni gamacherlersorsinnaaneramik inerisaaneq.
- Kinaasutsimik ilisarinnilernissaq (ateq- anaana -ataata)
- Pinngussanik iluarsaasseqataaneq
- Meeraqatimik atiinik ilisarinnissinnaaneq
- Meeqqap nammineerluni inersimasumut attaveqarsinnaaneramik inerisaaneq

Timimik atuisinnaaneq

- Meeqqap timiminik atuisinnaaneramik inerisaaneq
- Pallungaarsinnaaneq

- Nammineerluni nerisinnaaneq (nerisaq akui ilanngullugit nerisinnaangornissaat)
- Paarngunneq, pinngussanik tiguisinnaaneq
- Assakarsinnaaneq

Pussusorneq

- Sapangaqqat angisuut atorlugit sammisaqartitsisarneq
- Liimmiternikunut ikkussuisinnaaneq
- Qalipaaneq/assaateq atorlungit
- Titartaaneq

1½-3 ukiullit Naasunnguit / Neriusaat:

Oqaatsit

- Oqalunnermik inerisaaneq / Apersuisarluni
- Avatagiisinik pisimasunik/ pisussanik oqaluttuarsinnaanerit inerisarnissaat
- Kinaasutsimik ilisimaarinnilernissaat (angajoqqaat atinik taaguisinnaaneq- Najugaq.)
- Iliuutsinik oqaasertalersorsuineq
- Silap qanoq innera eqqartorlungu

Inuttut pinginnaasat

- Nammineerluni atisaajarsinnaaneq / atisalersorsinnaaneq
- Nammineersinnaanera annertusarlugu, ass. Tiggalianik taniinikkut
- Killiliisinnaaneq (uanga atorpara- uangaana timera)
- Avatagiisinik ilisimaarinninnissaq ass. Pisuttuarnermi aqqusinermi takusat suunerinik apersuineq, nassuiaanerlu suunerinik. (Brugsen, qimatilivik.il.il)
- Suaassutsimik ilisimaarinninnissaq
- Ermissinnaaneq/ errorrorsinnaaneq

- Nammineerluni nerisinnaaneq
- Kisitsisinik kisitsisinnaanerat inerisarnissaat
- Naqinnernik taajuisinnaanerata inerisarnissaat

Avatinik atuisinnaaneq

- Cykkilersinnaaneq
- Innartorneq
- Sila aporfinginangu aneerneq
- Arpassinnaaneq
- Takilaartunut pisussinnaaneq
- Qitinneq
- Eqaarsaarneq

Pussusorneq

- Sapakkanik nuisisinnaaneq
- Liimmiterineq
- Ikkussortakkanik ikkussuineq
- Qiortaaneq
- Titartaaneq /qalipaaneq

Paasinnissinnaanera

- Meeqqap ilisimasaanik apersuineq
- Meeraq oqaluullugu iliuusissaanik kaammattuineq
ass.kakkissarfimmik aalleriarlutit kakkingit.
- Eqqarsarnarsinnaasunik pisimasumik apersuineq
- Erinarsornerit – Nipi – atuffatsinneq
- Qalipaatinik immikkoortitsisinnaaneq

Pinnguarneq

- Piviusuusaartitsilluni pinnguarneq
- Allanik pinnguaqateqarsinnaaneq
- Meeqqap takorluuisinnaanerani inerisaaneq (Fantasi)

Aallussisinnaaneq

- Sammisaaqatigiinnermi aallussisinnaanermik sungiusarneq
- Meeqqamut tulluartumik soqutinginartumik sammisaaqarnikkut aallussinerulersitsineq

Meeraaqqeriviup naleqartitai

- Sapiissuseqalersitsineq (ass. meeraq qaqqakkut majuarsinnaalersillungu)
- Akisussaassuseqalersitsineq (ass. Meeqqap pingisani inaanut iliorartarnissaanik inassuteqartarnikkut).
- Ukiup qanoq ilinerani pinngortitap tunniuttangaanik sammisaaqartarneq (ass. tuttu, appa, aalisakkat, naasut, paarnat).

1.3 Perorsaanermi anguniakkat

Perorsaanermi anguniangaraarput meeqqap timikkut tarnikkullu pisinnaasaat aallaavingalungit inerikkiartortitsinissaq.

Ukioq manna aaliangerneqaqqippoq Nuka-mi perorsaanikkut periutsit marluk atorneqaqqissasut, tassaasut akuersaartumik perorsaariaaseq, kiisalu meeqqat sammisaaqartinneqarnerisingut malungissutsit tallimaasut atorlungit perorsaariaaseq.

Meeqqanut akuersaartumik perorsaariaaseq, imak paasineqarsinnaavoq, meeraq aallaavingalungu inuttut piginnaasaata killiffiinik akuersaarinninneq, pisariaqartitsinerlu aallaavigalugit meeqqanut ineriartortitsineq. Meeqqap oqaatsit atungai, kiisalu ulluinnarni atukkat aallaavingalungit, meeqqap killiffia aallaavingalungu inerikkiartortitsineq. Nammineq silarsuaaqqamini pinnguarsinnaanera akuersaassallugu, pinnguarnermilu aaliangeeqataatissinnaassallungu. Meeqqap naleqartitaanik ataqqinninneq. Malungissutsit atorlugit perorsaariaaseq tassaavoq, meeqqat sammisaaqartinneqarnerisingut, malunginiutit

tallimaasut ilaasa imal. Tamarmik atorlungit sammisaqartitsineq tassaasut: Takusinnaasat- attorsinnaasat- naamasinnaasat-tusaasinnaasat- malungisinnaasat- atorlungit sammisaqarneq. Misilittakkat aallaavingalungit, timitaliinermi, takusassiinermi attorsinnaangaangamikku puiuikkiussaas amerlanerusartut. Ass. Aalisagaq sammineqarpat, aalisagaq iluitsuutillungu meeqqanik attorneqarsinnaatillungu sammineqarsinnaasoq.

1.4 Meeqqat pisariaqartitaat

Ukiumut marloriarluni meeraq killiffissiorneqartarpoq, taassumap imarisarpaa meeqqap pinginnaasaatingut killiffia, taannalu sulisuniik immersorneqartarpoq, tassaasoq Meeqqap mappa 0-6-inik ukiulinnut atungassaq, angisooqarfinngornitsinnilu aamma Meeqqap Ineriartornermini Inissisimaffianut Misissuut 3-nik ukiulimmut MIIM3, aammalu Meeqqap Ineriartornermini Inissisimaffianut Misissuut 5-nik ukiulimmut MIIM5 atorneqartalerlutik.

Meeqqap ineriartornermini killiffianut tunngatillungu atuakkat, “*meeqqap ineriartornera (inunngornerminit arfinillit tikillugit ukioqalernissami tungaanut)* atorneqartarpoq, aammalu internetsimi DPU Udviklingsbeskrivelse, atorneqarsinnaasarluni, tassani takuneqarsinnaalertarmat, meeraq sutingut kaammattoraanni pinginnaasai inerikkiartortinneqarsinnaasarnersut.

Angajoqqaanik, meeqqamullu pilersuisuiusunik ataasiakkaarineq pisarpoq, meeqqap inuuiata nalaani, kiisalu inuuiata qaammatit arfinillit qaangiunnerani, ullullu taakku nalleraangata, sulisut pappiliannuamik meeqqap atisaasivianut nivinngaasarput, angajoqqaat ullulingassaannik, qaqangu piffissaqassanerlutik, qassinullu naapissanerlutik, aaliangereeraangamillu sulisunut tunniunneqartarluni. Angajoqqaanik,

meeqqamullu pilersuisuiusunik ataasiakkaarinermi meeqqap mappia MIIM 3 imal. MIIM 5 sulisuniik immersorneqarnikoq aallaavingalungu eqqartuisarput.

Soorunami aamma meeqqap killiffia pisariaqartitsiffialu apeqqutaatillungit, angajoqqaanik, meeqqamullu pilersuisuiusunik naapitsineq ataasiakkaarinerup saniatingut ingerlanneqartarpoq, soorlu ass. arlaanik meeraq takutitsisajaarpat ataavalertumik, ukiuminut naleqqutinngittumik, inini sulisut pisortamut anngussisarput, tassanngaaniillu suliniut ingerlanneqalertarluni, angajoqqaat, meeqqamullu pilersuisuiusut aggersarsinnaallungit, tassanilu angajoqqaat, meeqqamullu pilersuisuiusut, sulisullu ikioqatingiillutik meeraq pillungu suliniuteqalertarlutik, anguniangaqalertarlutillu.

Ulloqartarpoq ullaakkut meeraaqqeriviup ammarnerani, meeqqat inersuarmi ataatsimoorullungit tingoorneqartarlutik, aammalu ilaatingooriarlutik ullukut inersuarmi meeqqat ataatsimoorrattarlutik pisarlutik.

Meeqqap mappiata saniatingut sulisut immersortangaqarput, qaammatit tamaasa naanerani suliarisartangassanik, tassalu Ernumanassutsimut/ Isumaalunnermut uuttuut. Immersungassami qalipaateqarpoq assingiinnngittunik pingasunik, tassaasut **Qorsuk** / **Sungaartooq** / **Aappaluttoq**. Meeqqap ineriartorneranut inissisimaffianut nalilersuutaavoq, inissisimaffiit assigiinnngitsut tallimaapput Qorsuk marlunnut avinneqarpoq, Sungaartooq ataasiulluni, Aappaluttoq marlunnut avinneqarluni.

Paasisaqarnerorusuttunut alakkarneqarsinnaavoq nittartakkakut uunga iseriarluni www.geqqata.gl /Isumaalunnermut uuttuut ujarlugu. Taannalu ataavartumik ingerlanneqartalernikuuvoq ukioq 2022 januar aallarnerfingalungu.

Qalipaasersuinerillu aallaavingalungit, pisup suussusaa aallaavingalungu, meeraq pillungu angajoqqaallu ikorfartorniarlungit, avataaniik suleqateqarneq ingerlanneqarsinnaasarpoq, tassani suleqataasinnaallutik: Atuarfeqarfik, Kommunimi isumaginninnermik immikkoortortaqarfik, Perorsaanermi siunnersorti, MISI, Napparsimmaveqarfik, Politeeqarfik, Ilaqutariinnermik kiffartuussivik, Meeqqerivik il.il.

1.5 Meeqqerivimmi kulturimut perorsaanermilu najoqqutassat

Meeraaqqerivik Nukami pingaartipparput:

- Meeraq toqqissisimalluni tikilluaqqusaallunilu misinginissaa
- Angajoqqaat, meeqqamullu pilersuisuiusut, sulisullu akornanni attaveqaqatingiilluarnissaq
- Meeqqap kinaassusaanik akuersaarnissaq
- Meeqqerivitsialak/Meeqqap killiffii aallaavigalugit timitaliilluni inerisaanissaq
- Sulisut akunnerminni suleqatingiilluarnissaat

Perorsaanikkut najoqqutassat / malittarisassat

Meeraaqqeriviup ammarnerani sulisut init ilaaneertut inersuarmini meeqqanik tingooraastrup, ilaat sulisut iniminni tingooraastrup.

Nalunaaqutaq qulaaluangoriartornerani meeqqat sulisullu iniminnut isaasstrup, iniminnilu taajortitstrup, (ukiui, angajoqqaat atii, najungaqarfii, silap qanoq issusaa il.il), tamussertinneqartarlungit soorlu: kiksit naatitat assigisaanillu. Tamatuma kingorna sammisaqartitsinerit aallartitstrup.

Ca.nal.10.30-miik nerillutik aallartitstrup, ca. nal.12.00 neriuunaartarlungit. Nuunooqqat sinissimareeriarangata iterfii aallaavingalungit, nerisarfii nikerarsinnaasstrup.

(Meeraaqqerivik Nuka) ukiumut pilersaarut 2023

Nerereernerup kingorna meeqqat innartinneqartarput, pingaaruteqarmat meeqqap ullormut qasuerluni, nutaanillu isaatitsinissaanut nukissaqarluni ilikkangassaqaarnerussammat. Ualikkut ca. nal.13.30-miik tamussertinneqaqittarput ca.15.00 neriunnaartarlutik.

Aatinnissap tungaannut assigiinngitsunik sammisaqarteqqinneqarsinnaasarput, pinnguartinneqarlutilluunniit. Pinnguarnermikkut meeqqat namminneq pinnguarnermik aallartitsisinnaanerit aallaavingineqartarpoq.

Ullaakkut nal. 9.00 kingusinnerpaamik meeraq aggiunneqassooq, kingusinaarussiniarnermilu taamaallaat akuerineqartartut tassaapput Kingutileriffiliarnerit, Isit misissortikkiartulernerit, Nakorsiarnert, Meeqkerisumukarnerit, Meeqkerisumiik pulaarneqalernerit, Aterfiornerit, Niuffiornerillu.

Uani pineqarpoq meeqqap takkutiaarnermini ullaarnaniik pisunut malinnaalluarnerusarmat, sammisaqartitsinermilu pissarsiaqaarnerusarlutik, kingusinaartuarunik sammisaqaarnernut meeqqap inerisarnissaangaluanut kingaallatsitsisinnaasarnerat, kinguussaasinnaasarnerallu ukiuminnut naleqqiullungu pisinnaasaannut.

Meeraaqqerivik nal.17.00 matusarpoq, meerarlu tallimangortinnangu aatereersimasartussaavoq. Meeqqap iserneraniik immersungassaqaartarpoq (Pædagogisk kort) kiap aasarumaarneraa angajoqqaat, meeqqamullu pilersuisuiusut saniatingut, aallertartussarlu 12-leereersimanissaa piumasaaqaataavoq, aammali pingaaruteqarpoq ullormut allap aaniarpangu allassimasuutinginngisap, meeqqap inaanut nalunaartarnissaq ilisimatitsilluni, kiap ullormut aassamaarneraa.

Marlungornikkut meeqqat sulisullu pisuttuortarput, mikisuaqqanulli sila kiatsilluaraangat pisuttuarneq aallunneqaarnerulertarpoq, issippallaami sila meeraaqqanut tulluarneq ajormat. Silali aporfinginangu anginernut, meeraaqqeriviup silataani pisuttuarnerluunniit ulluinnarni atungaasarpoq, ullaap tungaani nerinnginnermi, ullukkullu nerereernerup kingorna aneersinneqartarnerat nalinginnaaneruvoq. Taamaattumik pisariaqarpoq meeqqap silamut naleqquttunik atungaqaarnerissaa, atisassamaateqaarnerissaalu.

(Meeraaqqerivik Nuka) ukiumut pilersaarut 2023

Aammalu pingaaruteqarpoq meeqqap atisassamaateqartuarnissaa, nangeqartarpallu nangissamaateqartuarnissaa meeqqap inaata ilisivittaani. Sulisut ulapissinnaasarput, aammali marluinnangoreersimasinnaasarlutik, inaanni atisassamaateqanngippat, nangissamaateqanngippallu, anillaqqaarlutik meeqqap atisaajartarfianut aallernissaaminnut periarfissalussinnaasarput, meeqqat allat qimariaannaaneq ajoramikkit, meerarlu ataasiinnaq isumangineq ajorpaat, allanimmi meeraqarmat aamma. Soqanngippallu sianeriartoqqaarlutik anillattarlutik. Taamaattumik pingaaruteqarpoq angajoqqaatut meeqqap atisassamaatai, nangissamatissaalu isumangiuararnissaat.

Pingaaruteqarpoq meeraq napparsimappat, freerniarpat meeraaqqerivimmut nalunaarutingisarnissaa, sulisut qaammatit tamaasa naattorsuisaramik qassit takkussimanersut, qassit napparsimasimanersut, qassit freersimanersut pillungit, taakkulu takussutissat kommunemut ingerlateqqinneqartarmata.

Meeraaqqerivik Nuka qulinik Ipad-iuteqarpoq, taakku Willums Fond-imiik tunniussaapput. Meeqqallu anginerit sammisaqassutingalungit atortarpaat. Tassani eqqarsarsinnaanerit, ilusilersuisinnaanerit, ilaarsisinnaanerit il.il. inerisarneqartarlutik, aammalu isinginnaarutitut atorneqartarlutik.

2. Ukiumoortumik pilersaarutaanikup nalilersorneqarnera

2022-mi sammineqarsimasunut eqikkaaneq.

- Februaarimi sammineqarpoq: Aput/Illuikkiaq
- Apriilimi sammineqarpoq: Amermik sisoraaneq, atuisut peqatingalungit nereqatingiutaa
- Juunimi sammineqarpoq: Kalaallit pisataannik sammisaqarneq
- Aggustimi sammineqarpoq: Aavarneq
- Oktoberimi sammineqarpoq: Qitinneq

(Meeraaqqerivik Nuka) ukiumut pilersaarut 2023

- Decembarimi sammineqarpoq: Juullimut pikineq, qiortaaqatingiinneq Santa Lucia, orpiliarneq

Taakkua malillugit inikkaartumik imannak sammineqarnikuupput:

Nanuaqqat:

Februar: Aput/Illuikkiaq samminerani:

Aput sammineqarpoq, aneerneq misingitillungu nillenera, qalipaanerlu atorlungit.

April: Amermik sisoraarneq samminerani:

Amermik sammisaqarput, Nuka-llu silataani meeqqat, sulisut angajoqqaallu amermik sisoorlutik, nereqatingiinnertalimmik.

Juni: Kalaallit pisataanik sammisaqarneq samminerani:

Sammineqanngilaq, sulisut ilaat feriarneri peqqutaallutik, aallaqqasoqarneralu peqqutaalluni.

August: Aavarneq samminerani:

Tuttu sammineqarpoq, tuttut amia malungitillungu, qalipaaneq, assiliamik nivinngaaneq, film-eeqqanik aavarnermut tunngasunik isiginnaarneq ingerlanneqarlutik.

Oktober: Qitinneq samminerani:

Nipilersuutininik tusarnaarneq qitinneq sammineqarluni.

November-December: Juullimut pikineq

Ingerlanneqarpoq, sammisassat tunissutissallu angajoqqaanut sammineqarlutik.

Taakku saniatingut ukiup ingerlanerani uku aamma sammineqarput.

- Qalipaaneq / Assaat atorlungit /Ballon atorlungit
- Pisunniarneq
- Titartaaneq
- Assinik sammisaqarneq
- Páske-mut pikineq
- Marralerineq

- Pinnguarnikkut inerisaaneq / Lego
- Annertuumillu meeraaqqanik ”tutsitiniaaneq ”
- Angajoqqaanik naapitsineq.

Naasunnguit:

Februar: Aput/Illuikkiaq samminerani:

Apummik eqqussillutik wc-mi apuserititsineq ingerlanneqarpoq, vatsit atorlungit illuikkiortsitsipput pappilissamut nippussuutsitsillutik, illuikkiamik qalipaasitsillutik, qiortaatsillutillu.

April: Amermik sisoraaneq samminerani:

Angajoqqaat sulisut meeqqallu ataatsimut amernik sisoraaqatingiipput, nerinertalermik.

Juni: Kalaallit pisataanik sammisaqarneq samminerani:

Issunik ujaqqanillu qammakkamut meeqqat alakkaatinneqarput, tukkujartorlutillu. Højskolip eqqaaniittumut pisuttuallattaarnikuullutik. Tupermilu sininnikuullutik.

August: Aavarneq samminerani:

Ullut tamapajaasa tuttunik eqqartuineq, pisuttuarternerlu atorpaat, skattejagterput ”naammita tuttu” qulequtsiullungu. Qimatulivimmuuttunik alakkarterillattaartarput, sissamut aavarsimasunik alakkaallattaarlutik, tuttumik qalipaapput, aavartunik ipad-ikkut isinginnaartitsisarlutik, Nuka-llu silataani umiarsuarmini aavartuusaarneq sammisarlungu, umimmak tuttu meeqqat immikkoortissinnaalersimavaat.

Oktober: Qitinneq samminerani:

Nipilersuutinik kalattuunik, meerarsiutinillu qittallutik pisarsimapput.

December: Juullimut pikineq.

Tunissutissanik sanaartorneq.

Neriusaat:

Februar:Aput/Illuikkiaq samminerani:

(Meeraaqqerivik Nuka) ukiumut pilersaarut 2023

Ingerlanneqarpoq, apummik assaallutik, illuikkiamillu qalipaallutik.

April: Amermik sisorarnej samminerani:

Nukap silataani meeqqat angajoqqaat sulisut peqatingalungit amermik sisoqqanneq ingerlappaat, nereqatingiinnertalik.

Juni: Kalaallit pisatai samminerani:

Katersungaasivimmut issunik ujaqqanillu qammakkamut sinikkiartorput.

August: Aavarnej samminerani:

Assilissanik aavartunik nivinngaapput, qaqqakkut portulaartukkut majuarput, qimatulivimmut tuttunik alakkaapput, meeqqallu nammatsittuusaarlungit pisutsinneqarlutik, tuttumillu qalipaaneq ingerlanneqarluni.

Oktober: Qitineq samminerani:

Ipad-kkut qitittunik isinginnaartinneqarput, kalattuut allallu qitittut isinginnaartinneqallattaarlutik.

December: Juullimut pikineq.

Tunissutissanik sanaartorneq.

Narsarmiutat:

Februar: Aput/illuikkiaq samminerani

Aneernikkut sammivaat, kiisalu eqqullungu aakkiartornera takutinneqarluni.

Silamilu apummik illuikkiorlutik.

April: Amermik sisorarnej samminerani:

Angajoqqaat sulisut meeqqallu ammit atorlungit sisoraarput, nereqatingiinnertalimmik.

Juni: Kalaallit pisataat samminerani:

Katersungaasivimmut pulaarnikuupput, meeqqat nerillutik, sinillutik, silamilu assingiinnittunik sammisaqarnikuullutik.

August: Aavarnej samminerani:

Nunatarnej, nunianneq, aavarfimmik sammisaqarnej, tuttunik qiortaaneq, tuttunik qalipaaneq ingerlanneqarluni.

Oktober: Qitik samminerani:

(Meeraaqqerivik Nuka) ukiumut pilersaarut 2023

”Kangerluk tusaamasaq uunartoq”, aallaavingalungu sammineqarluni, youtubi atorlungu isinginnaartinneqariarlutik, misilingartinneqarluni.

December: Juullimut pikineq.

Tunissutissanik sanaartorneq.

Ukiup ingerlanerani sammisassat saniatingut asingiinnittunik sammisaqartarput, soorlu takisuumut pisuttuarnerit, pinnguartarfinniinnerit, qaqqasiorderit, hiistinik nerisitsineq.

Sammisaqartitsisarneq

Meeqqat assingiinnittunik sammisassaqtittarnerisingut, akuutittarnerisingut, timitaliisarnikkullu ineriartortarneq misilittakkatingut ilisimaaraarput, meeqqallu tamarmik assingiinnittunik ilikkangaqartarlutik, sammisaq aallaavingalungu. Tassanilu perorsaaniikkut siunnerfingut, akuersaartumik perorsaariaaseqarneq, sammisaqartitsinermilu malungissutsit tallimaasut atornerisingut ilinniartitsisarnerni aallaaviupput.

Ukioq 2022 tamaat isingalungu, sammisassatut siunnerfingineqarnikut amerlanerpaat iluatsillungit eqqaasinnaavarput, taamaallaat assitalersuinerunissaq, Ipad atornerunissaa siunniunneqarluni, angajoqqaanut, pilersuisuiusunut takutitassianngorlungit pisarnissaat eqqarsaatingalungit.

2.1 Meeqqat

2022-mut eqikkaaneq:

- Meeqqat ataasiakkaat aallaavingalungit isumaalunnermut uuttuummik qaammatit tamaasa nalilersorneqartarput, tassanilu allannguuteqartoqaraangat suliniut aallartittarluni angajoqqaat peqatingalungit.

- Meeqqat aalajaallutik takkuttuarterput, kisiannili covid-19 tuniluuffiani takkuttartut annikillisarlutik, taassumallu saniatingut meeqqat nappaataat assingiingitsut takkukkaangata meerakillineq pisarnikuulluni. Ataatsimut isingalungu meeqqat meeraaqqerivik Nukami atuilluartuupput.
- Qaammatini qulini januarimiik oktoberimut agguaqatigiisillugu 64,34 %-it meeqqat meeqqerivimmut takkuttarsimapput.

2.2 Angajoqqaat, meeqqamullu pilersuisuiusut/pisortat

Ukiumut kingullermut eqikkaaneq:

- Januar 19-ni ullaakkorsiornissaangaluaq ingerlanneqarnikuunngilaq, corona peqqutaalluni.
- Februar 16-ni atuisunik ataatsimiisitsineq pisussaangaluaq 23 februar-imut nuutsinneqarpoq, siusinaarluta nivinngaanninnerput peqqutaalluni. Qulequttatut peqqinneq sammineqartussaangaluartoq, ilisarititsinertut, anguniakkallu suunerinik nassuiaassinertut atorpoq, pisortaq nutaajunera eqqarsaatingalungu, taamaalilluni ilisarititsinertut atorluni, 2022-mi suut anguniangaanersut, pisussallu saqqummiunneqarput, ininilu suut eqqumaffissaanersut ilisimatitsissutingineqarlutik.
- Marts 23-ni ullaakkorsioqatingiinneq pisussaangaluartoq kinguartinneqalaarpoq. Taamaalilluni 24-ani ullaakkorsioqatingiinneq ingerlanneqarluni.
- April sammisassami qulequtarineqartoq ameramik sisoraarneq. Aputip aappallaannginnarani ulluliinikuuvungut 8-ni nal. 17.00-19.00 nereqatingiinnertalimmik ameramik sisoraaqatingiittoqassasoq angajoqqaat amerlasuut takkunnigikkaluartut, taamaattoq pisussaq iluatsippoq. Allatullu naapeqatingiilaarneq meeqqat ilaanut nuannisartitsivoq, aattaat ameramik sisoorneq ilaaniik misilinneqarami. Atuisunik ataatsimiisitsinissaq april-imi

pisussaangaluartoq maji-mut kinguartinneqarpoq, unnukkoornerit, ikalisippallaaqqunangit.

- Maj 18-ni atuisut sulisullu ullaakkorsioqatingiipput. 18 maj atuisunik ataatsimiisitsivungut aprilimi pisussaangaluartoq majimut pisussangortinnikuusarput ingerlallutingu. Ulloq tassani MISI-miik pulaartoqarpungut qullersarput peqatingalungu saqqummiillutik. Unnuup sinnerani sulisut rollespillertinneqarput sivikikkaluamillu angajoqqaat oqallisitsiarlutik rollespil pillungu (meeqqat itersartittarnerat, ullormut qanoq sunniuteqartarnera sulisuniik oqallisissiatut takutinneqarami
- August 17-ni atuisut sulisullu ullaakkorsioqatingiipput.
- Oktober 19-ni atuisut sulisullu ullaakkorsioqatingiipput.
- November 22-ni atuisut ataatsimiipput, tassani 2023-mut pilersaarusiorneq ingerlanneqarluni.
- December 9-ni qiortaaqatingiinnek atuisullu ingerlanneqassooq, tallimaniik arfineq marlup tungaanut, maanngaaniik pilliuteqalaarumaarpoq, angajoqqaallu nassarussuttut nassarsinnaallutik. 13-ni ini Naasunnguakkut santa luciassapput, 28-ni orpiliarneq ingerlanneqassooq, opganngit avillutik, Naasunnguit-Neriusaat nal. 9.30-10.30 orpiliaqatingiissallutik, Narsarmiutat-Nanuaqqat 13.45-14.45 orpiliaqatingiissallutik.

2.3 Sulisut

Ukiumut kingullermut eqikkaaneq:

- Meeraaqqerivik Nuka-mi sulisut qaammammumut ataasiarlutik ataatsimiittarput qaammatip aallartilaarnerani. Sulisut iniminni ataatsimeeriarlutik (stuemøde), inersuarmi sulisut tamarmiullutik ataatsimiittarlutik (personalemøde).
- Sulisut ataatsimiittarnerisa saniatingut, inini akisussaasut qaammatit tamaasa naapittarput, inini sulinerit qanoq innersut eqqartueqatingiillutik, imminnullu siunnersuutininik tunioraaqatingiittarlutik.
- Marts 19-ni personale weekend-ernermi torersaanertut atornerqarpoq, illorsuaq tamaat, eqqangassat katersorneqarlutik aaqqissuussersuartoqarpoq.
- November 12-ni personale weekend-imi ukiumut pilersaarut 2023 ingerlanneqarpoq.

3.Ukiumut nutaamut pilersaarutit

3.1Meeqqanut ileqqunik sammisassanillu ukiumut pilersaarut

Atuisut peqatingalungit aaliangerneqaqqippoq qaammat ataaseq allortarlungu, illup iluani anguniakkat saniatingut, meeqqat sammisaqartinneqartarumaartut qulequttanik aaliangersimasunik.

2023-mi pilersaarutit imak isikkoqarput:

Januaari	Februaari	Martsi
<p>Januaarip 18-ani Atuisut, sulisullu ullaakkorsioqatingiinnerat.</p>	<p>Sammissaqartitsinermi qulequtarineqartoq: Qimusserneq, sammineqassooq.</p>	<p>Martsip 22-iani Atuisut, sulisullu ullaakkorsioqatingiinnerat.</p>

Aprili	Maaji	Juuni
<p>Sammissaqartitsinermi qulequtarineqartoq: ACR sammineqassooq.</p> <p>Aprilip 18-ani Angajoqqaanik, meeqqamullu pilersuisuiusunik ataatsimiisitsineq. Qulequtaralugu meeqkerisumik pulaartitsineq.</p>	<p>Maajip 24-ani Atuisut, sulisullu ullaakkorsioqatingiinnerat.</p> <p>Maajip 26-ani Meeraaqqeriviup Nukap silataani saliineq grillerinertalik atuisut peqatingalungit ingerlanneqassooq.</p>	<p>Sammissaqartitsinermi qulequtarineqartoq: Umiatsiaq sammineqassooq.</p>



Juli	August	September
<p>Juulip 15-ani atuisut sulisullu siorarsuarniissapput 9.00-12-00. Nuka pilliuteqarumaarpoq, angajoqqaalli aamma nassarusuttut nassassapput.</p>	<p>Sammissaqartitsinermi qulequtarineqartoq: Pinialunneq/pilineq sammineqassooq.</p> <p>Aggustip 16-ani Atuisut, sulisullu ullaakkorsioqatingiinnerat.</p> <p>Aggustip 22-ani Angajoqqaanik, meeqqamullu pilersuisuisunik ataatsimiisitsineq. Qulequtaralugu perorsaariaatsimik avitseqatingiinneq.</p>	<p>Qaammatip tulliani sammissassamut piareersarneq.</p>

Oktober	November	December
<p>Sammissaqartitsinermi qulequtarineqartoq: Suliffeqarfiit sammineqassooq. Oktober 18-ani Atuisut, sulisullu ullaakkorsioqatingiinnerat.</p>	<p>Novembarip 21-ani Angajoqqaanik, meeqqamullu pilersuisuiusunik ataatsimiisitsineq. Qulequtaralungu 2024-mut pilersaarusionerq.</p>	<p>Sammissaqartitsinermi qulequtarineqartoq: Sapaassuit, Santa Luciap, Ullukinnerup, Juullip isumaa sammineqassapput. Meeqqueriviup meeqqat ammartangassaat isumangisaraluaramikkit ukioq 2023- mi angajoqqaat meeqqat ammartangassaat isumangissuaat, atuisut ataatsimiinnerminni taamak aaliangiipput. Decemberip 8-ni qiortaaqatingiinneq Decemberip.13-ani Santa Luciartoqassooq Decemberip 29-ani orpiliaqatingiinneq.</p>



Sapaatip akunneranut pisartut	Qaammatini pisartut	Ukiumut pisartut
Meeraaqqerivik tamakkerlungu sapaatip akunneranut ataasiarluni marlungornikkut pisuttuarneq ingerlanneqartassaaq.	Qaammat ataaseq allortarlungu aaliangersimasumik qulequtaqarluni sammisaqartitsinerit ingerlanneqartassapput, meeqqerivitsialammut immersortangaq atorlungu.	Ukiumut pingasoriarluni atuisunik ataatsimiisitsinerit ingerlanneqartassapput.

	<p>Taassumalu saniatingut, qaammat ataaseq allortarlungu, atuisut sulisullu ullaakkorsioqatingiittassapput.</p>	
--	---	--

3.2 Angajoqqaanik meeqqamullu pilersuisuiusunik suleqateqarneq

- Meeraaqqerivik Nuka-mi kissaatingiuaannarparput, aammalu angorusuttuaannarlungu, angajoqqaat, meeqqamullu pilersuisuiusut, sulisullu akornanni suleqatingiittoqartuarnissaa, pissutingalungu:
 - Inatsimmi “*Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq*”-mi
 - malitatsinni imak allaqqasoqarmat:
 - “§ 1. *Inatsisartut inatsisaata matuma meeraq qitiutillugu, meeqqamullu angajoqqaatut oqartussaasut imaluunniit meeqqamik pilersuisuiusut suleqatigalugit, meeqqanut ataasiakkaanut suli atualinngitsunut pitsaanerpaamik ikorfartuinissaq qularnaassavaa, tassuunakkut meeqqap peqqissumik imaqarluartumillu inerikkiartornissaa qularnaarumallugu*”. Taamaattumik angajoqqaanut, meeqqamullu pilersuisuiusunut, sulisuusungut attaveqartuarnissarput, suleqateqarnissarpullu pingaartipparput, meeraq pillungu sukkulluunniit attaveqarneq ingerlassinnaassallutingu, ingerlattarlutingulu, meeqqap pisariaqartitsinera aallaavingalungu naapittoqapallalaartarneq.
 - Meeqqap nutaap iserneraniik, qaammat qaangiukkaangat angajoqqaavi, meeqqamulluunniit pilersuisuiusut naapinniarneqartarput, killiffissioqatingiilaartoqarluni, meeqqap qanoq inneranik.

- Angajoqqaanik, meeqqamullu pilersuisuiusunik ataasiakkaarinerit pisarput, ukiumut marloriarluni, meeqqap inuuiata nalaani, kiisalu inuuiata qaammatit arfinillit qaangiunnerani.
- Ukiumut pingasoriarluni atuisunik ataatsimiisitsinerit pisarput.
- Angajoqqaanut, pilersuisuiusunullu sammisaqartitsisarneq eqqarsaatingalungu, grillereqatingiinneq meeraaqqeriviup silataani saliinertalik pisinnaasarpog, silap kissatsinnerani.
- Angajoqqaanik, meeqqamullu pilersuisuiusunik suleqatingiinneq nukittorsarneqassappat, sulisuusungut pilerisaaraluta soqutinginarsaalluta nukittorsaasinnaavungut, taamaattorli aamma pingaaruteqarpoq, angajoqqaat, meeqqamullu pilersuisuiusut namminneerlutik meeqqerivimmut soqutinginnillutik, timitaliisarnermikkut pisunut peqataasarnermikkut, suleqatingiinneq nukittuunngortissinnaavaat, illuatungeriimmi tamatingut peqatingiilluartarnermikkut imminnut nukittorsaqatingiittarnerat ilisimaaraarput.
- Kiisalu pisunut/pisimasunut, meeqqap nalaassimasaanut tunngatillungu, anngussivingeqatingiittarnikkut suleqatingiinneq nukittorsarneqarsinnaasartoq ilisimaaralutingu atorlutingulu.

3.3 Sulisut suleqatigiinnerat

- Sulisut ataatsimiittarneri qaammatit tamaasa ingerlanneqartarput. Ataatsimiinnerni eqqartorneqartarput, inikkaartuni meeqqat ataatsimut isingalungit, meeqqallu ataasiakkaat killiffii aallaavingalungit suut suliniutaanersut, qanoq iliuseqarfinginersut, illorsuullu iluani suleqatingiinnissaq anguniarlungu qanoq ilioraanni pittaanerussanersoq eqqarsaatingalungu eqqartuiffiusarluni.
- Sulisunut sammisassaqartitsinerit assingiinnigittut ingerlanneqarsinnaasarput, soorlu piumasunut anaalerivissiorneq, unnussiuuqaatingiinneq.
- Ukiumut marloriarluni personaleweekend ingerlanneqartarpoq, taanna avataaniik aggersaalluni pikkorissarfittut atorneqarsinnaasarluni, ass. Ikiueqqaarnermut pikkorissaasussamik aggersaalluni.
- Ineriartorneq pikkorissarneq eqqarsaatingalungit, assingiinnigittuniik suliffeqarfinniik neqeroorfingitittarpungut, ass. SPS ilulissaniik pikkorissarfissanik neqerooruteqartarpoq, ilai peqataatitsinerit “akeqarneq ajorput”, ilai akeqartarlutik, aamma Qeqqata Kommunia neqerooruteqartarpoq pikkorissarfissanik, meeraaqqerivimmullu sulisunullumi, pikkorissarnissat ineriartuutaasarmata periarfissat tingulluarniartarlutit. Pikkorissariarsimasuniillu sulisut saqqummiiffingitittarlutik, taamaalilluni sulisut akornanni tunioraaqatingiinneq, immersoqatingiinneq atorneqartarluni.
- Suleqatingiinneq nukittorsarsinnaavoq, suliassanik anguniakkanik avitseqatingiittarnikkut, oqaloqatingiittarnikkut, naattorsuuteqatingiittarnikkut, ammaffeqatingiittarnikkut, oqarfingeqatingiittarnikkut, minnerunngittumillu nammineq imminut piumaffinginikkut, piffissaq eqqorlungu suliarortarnikkut, suliassallu siunertaasut ingerlattarnerisingut.

3.4 Ukiuni aggersuni suliniuteqarfissat

- Meeqqat killiffii pinginnaasaallu aallaavingalungit, Meeraaqqerivik Nuka-mi ineriartortitsuassungut. Sammisassat pissanganarsarlungit, tulluarsarlungit, aammali nutaaliortarnikkut inerisaasarumaarluta.
- Perorsaanikkut sakkussat atorneqartartut, meeqqap mappa atorneqartassooq, angisooqarfinngornitsinnilu aamma Meeqqap Ineriartornermini Inissisimaffianut Misissuut 3-nik ukiulimmut MIIM3, aammalu Meeqqap Ineriartornermini Inissisimaffianut Misissuut 5-nik ukiulimmut MIIM5 atorneqartalerlutik, tassani takusinnaaneqartuaannarami kingullermiik naapinnermiik anguniangassaq anguneqarsimanersoq, imal. Meeraq siuariaateqarsimanersoq killiffimmini. Aammalu immersugassaq internetsimi DPU Udviklingsbeskrivelse, atorneqartarumaarluni, tassani takuneqarsinnaalertarmat meeraq sutingut kaammattorlungu siuariartortinneqarsinnaanersoq.
- Sammisqaartitsinerni Meeqqerivitsialak, Tunngaviit 7-lluk immersungassartaa atorneqartarumaarpoq. Tassani meeqqat agguarlungit, pinginnaasaat agguaqatingiisillungit, sammisaqartinneqartarumaarmata anguniangalimmik.
- Suleqatit akornanni suleqatingiilluartoqaraangat, angusat ikannerullutillu, angusarissaartoqarnerusarmat, suli suleqatingiit iluanni suleqatingiilluarnissaq suliniutingineqartuassooq.
- Sulisunik pikkorissartitsinerit, ineriartortitsinerillu periarfissanik ammasoqartuartillungu ingerlanneqartuartassapput.
- Meeqqerivimmi atortulersuutit eqqarsaatingalungit, sakkussat nutaangortuartillungit ullutsinnut naleqquttunik, aammalu meeqqanut, sulisunullu naleqquttunik siuarsaasarnissaq nutarterisarnissarlu

ingerlanneqartarumaartut qularnanngilaq. Aserfallassimasunillu,
aserorsimasunillu atortunik nutaanik piniartarnissaq qularnanngilaq.

- Qujanaq ukiumut qaangiuttumut suleqatingisarsimasatsinnut,
neriuppungut aamma ukiuni aggersuni suleqatingiilluarterumaarluta.

2022-mi sammisaqartarnerisa ilaminiarannguanik assilisat ilaat ☺

